



BOP

LUNS, 1 DE XULLO DE 2024

O presente documento estará
exposto no Taboeiro de
Anuncios desta Deputación
desde o día 01-07-2024
ata a día 22-07-2024
O XEFE DA UNIDADE
PORTERÍA E VIXIANCIA
P.O. *[Firma]*

DEPUTACIÓN DE LUGO

boletin@deputacionlugo.org
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo
Tel.: 982 260 124/25/26 - Fax: 982 260 205

EXCMA. DEPUTACIÓN PROVINCIAL DE LUGO SERVIZO DE RECURSOS HUMANOS E ASISTENCIA AOS CONCELLOS

Anuncio

ACORDO DA XUNTA DE GOBERNO DA DEPUTACIÓN PROVINCIAL DE LUGO DE DATA 21 DE XUÑO DE 2024 NA QUE SE APROBAN AS BASES ESPECÍFICAS PARA O PROCEDEMENTO SELECTIVO DE PSICÓLOGO/A PARA PRESTAR SERVIZOS DE CARÁCTER TEMPORAL NA DEPUTACIÓN PROVINCIAL DE LUGO.

A Xunta de Goberno da Deputación Provincial de Lugo, en sesión ordinaria celebrada o día 21 de xuño de 2024 adoptou, entre outros, o seguinte acordo:

"Logo de ver a proposta da Sra. Deputada Delegada da Área de Réxime Interior, Promoción do Territorio e Turismo, do seguinte teor:

Vistos os criterios polos que se rexe a incorporación de persoal para prestar servizos temporais na Deputación Provincial de Lugo, regulados polas resolucións da presidencia das seguintes datas: 29.09.2009 (BOP núm. 231, do 08.10.2009); 16.12.2011 (BOP núm. 294, do 26.12.2011) e 14.02.2019 (BOP núm. 039, do 15.02.2019).

*Visto que foi caducada por decreto da presidencia de data catro de xuño de dous mil vinte e catro (04/06/2024) a listaxe de emprego temporal de psicólogo/a polo que neste momento non existen efectivos que se poidan incorporar a prestar servizos; constatándose a necesidade de que a entidade cree unha nova listaxe para poder atender as posibles carencias nos servizos e xestionar axilmente a incorporación de efectivos cando sexa precisa e estea xustificada a súa incorporación, conforme ás esixencias da normativa vixente, en particular ás referidas no artigo 20.Cinco da Lei 31/2022, de 23 de decembro, de Orzamentos Xerais do Estado para o ano 2023 -prorrogada para o ano 2024 de acordo co establecido no artigo 134.4 da Constitución Española- proponse á Xunta de Goberno para que, segundo as facultades que lle confire artigo 59.5 do Regulamento Orgánico da Deputación Provincial de Lugo de data 30.06.2020 (publicado do BOP núm. 202, do 03.09.2020), **ACORDE:***

1º Aprobar as bases específicas que rexerán o procedemento selectivo temporal de psicólogo/a. Ditas bases complementarían ás bases xerais polas que se establecen as normas para a selección de persoal, con carácter temporal, para prestar servizos na Deputación Provincial de Lugo (cota xeral ou cota de persoas con discapacidade), aprobadas na Xunta de Goberno de 13 de marzo de 2020, publicadas no BOP núm. 079, do 6 de abril de 2020 e na Xunta de Goberno de 10 de xullo de 2020 publicadas no BOP núm. 161, do 15 de xullo de 2020, así como na web corporativa www.deputacionlugo.gal, apartado emprego público - RRHH - selección temporal.

2º Ordenar a publicación das presentes bases específicas no Boletín Oficial da Provincia e nos lugares determinados nas bases xerais.

A Xunta de Goberno, por unanimidade, acorda prestar aprobación á proposta presentada e anteriormente transcrita."

Contra o presente acordo, que pon fin a vía administrativa, poderase interpoñer con carácter potestativo, recurso de reposición, diante da Xunta de Goberno no prazo dun mes contado a partir do día seguinte o da publicación deste acordo no BOP ou ben recurso contencioso-administrativo diante do Xulgado Contencioso-Administrativo de Lugo no prazo de dous meses contados dende o día seguinte da citada publicación, sen prexuízo de que se interpoña calquera outra que se estime oportuno.

BASES ESPECÍFICAS PARA A CREACIÓN DUNHA LISTAXE DE EMPREGO PARA PRESTAR SERVIZOS TEMPORAIS EN PRAZAS/POSTOS/EMPREGOS DE PSICÓLOGO/A NA DEPUTACIÓN PROVINCIAL DE LUGO.

I. OBXECTO DAS BASES ESPECÍFICAS

O obxecto das presentes bases específicas é complementar as Bases Xerais polas que se establecen as normas para a elaboración de listaxes para a prestación de servizos de carácter temporal na Deputación Provincial de Lugo (cota xeral ou cota de reserva a persoas con discapacidade) aprobadas na Xunta de

Goberno de 13.03.2020 (BOP núm. 079, do 06.04.2020), e corrección de erros aprobados na Xunta de Goberno de 10.07.2020 (BOP núm. 161, do 15.07. 2020).

2. CARACTERÍSTICAS DA PRAZA/POSTO/EMPREGO DA LISTAXE QUE SE CONVOCA

DENOMINACIÓN	GRUPO	SUBGRUPO	ADSCRICIÓN	RETRIBUCIÓN
PSICÓLOGO/A	A	A1	Centros de Atención aos maiores da Provincia de Lugo así como as distintas Unidades Administrativas que requiran das ditas funcións especializadas, unha vez motivada a preceptiva necesidade urxente e inaprazable da incorporación.	As correspondentes á praza e ao posto de nivel de entrada.

3. COMETIDO FUNCIONAL

En canto ao contido funcional da praza/posto/emprego que se convoca será o sinalado na vixente Relación de Postos de Traballo ou, se é o caso, na disposición que a substitúa.

En ausencia dos anteriores instrumentos, as persoas ocupantes realizarán as funcións que lles sexan atribuídas por calquera outra norma ou pola persoas que exerza a superioridade xerárquica.

4. REQUISITOS QUE DEBEN CUMPRIR AS PERSOAS ASPIRANTES PARA SER ADMITIDAS AO PROCESO SELECTIVO

Ademais do sinalado na base xeral 4, as persoas aspirantes deberán estar en posesión da seguinte titulación académica, de acordo co artigo 76 do Real decreto lexislativo 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público:

Grao ou licenciatura universitaria en psicoloxía.

5. DE GALEGO ESIXIDO: Celga 4

6. PROGRAMA

A) MATERIAS COMÚNS.

1.- A Constitución Española de 1978, principios xerais. Os dereitos e deberes fundamentais. A Coroa. As Cortes Xerais. O Goberno e a Administración Pública. O Poder Xudicial.

2.- A organización Territorial do Estado. Distribución constitucional de competencias entre o Estado e as Comunidades Autónomas. O Estatuto de Autonomía de Galicia: estrutura e contido. As competencias da comunidade autónoma de Galicia.

3.- Réxime Local Español. Principios constitucionais. Regulación xurídica. O Municipio. A organización municipal. Competencias municipais. A Provincia. Organización Provincial. Competencias provinciais.

4.- Dereito Administrativo. As fontes de dereito administrativo. A potestade regulamentaria na esfera local: ordenanzas, regulamentos e bandos.

5.- O procedemento administrativo común. Fases do procedemento administrativo común: Iniciación, ordenación, instrución, finalización e execución. Recursos contra os actos administrativos.

6.- As persoas interesadas. Dereitos da cidadanía nas súas relación coas administración públicas. O acceso electrónico da cidadanía aos servizos públicos. Rexistros, comunicación e notificacións. A xestión electrónica dos procedementos. A protección de datos de carácter persoal. Principios informadores e dereitos das persoas en materia de protección de datos.

7.- Os contratos do sector público. Clases. Preparación, adxudicación e formalización. Execución e modificación. Extinción.

8.- As Facendas Locais. Os tributos locais. As Ordenanzas Fiscais: procedemento de elaboración e aprobación.

9.- O persoal ao servizo da administración local. Clases. Adquisición e perda da relación de servizo. Dereitos e deberes dos empregados públicos. Réxime de incompatibilidades. Réxime disciplinario.

B) MATERIAS ESPECÍFICAS

1.- Marco legal dos servizos sociais: Constitución española, Estatuto de autonomía, a Lei de Bases de Réxime local e a Lei de Administración de Galicia. As Deputacións Provinciais e o seu papel na prestación de servizos sociais.

2.- Os centros de atención a persoas maiores da Deputación de Lugo: marco legal.

O presente documento está
exposto no Taboeiro de
Anuncios desta Deputación
desde o día 01-07-2024
ata a día 22-07-2024
O XEFE DA UNIDADE
PORTERÍA E VIXIANCIA

P.D. Leeg

3.- Regulación das condicións e requisitos específicos que deben cumprir os centros de atención a persoas maiores na comunidade Autónoma de Galicia: requisitos mínimos de persoal e condicións técnicas. RUEPSS, rexistro de centros, servizos e establecementos sanitarios de Galicia, etc.

4.- Lei 8/2008, do 10 de xullo, de saúde de Galicia. Dereitos sanitarios relacionados coa: integridade e intimidade da persoa; co acompañamento do/a paciente; coa autonomía de decisión; confidencialidade e información; coa documentación sanitaria. Dereitos relacionados coa prestación de servizos sanitarios por parte do Sistema Público de Saúde de Galicia.

5.- A atención xerontolóxica centrada na persoa. Historia e proxecto de vida. O Plan de Atención Individual nos Centros de atención ás persoas maiores. A folla de ruta persoal.

6.- O rol do profesional de psicoloxía no modelo de atención centrada na persoa na atención e coidados sociosanitarios. O papel no equipo de traballo multidisciplinar nun centro de atención a maiores.

7.- Bioética nos centros de atención a persoas maiores. Dereito á autodeterminación. Suxeición.

8.- Psicoxerontoloxía. O papel do/a psicólogo/a na velez e nos centros xerontolóxicos.

9.- O proceso de envellecemento. Bases psicobiolóxicas do envellecemento normal e do envellecemento patolóxico. Cambios e aspectos biopsicosociais do envellecemento.

10.- Acontecementos vitais estresantes na velez e cambios psicolóxicos. Prevención do envellecemento activo.

11.- Patoloxías físicas e psíquicas máis frecuentes nas persoas maiores.

12.- A depresión nas persoas maiores. Cambios cognitivos no envellecemento.

13.- Enfermidades neurodexenerativas. Avaliación e intervención neuropsicolóxica.

14.- Principais síndromes xeriátricos no aspecto psicolóxico.

15.- A enfermidade de Alzheimer. Desenvolvemento da enfermidade e intervención psicolóxica nas distintas fases.

16.- Principais trastornos psicopatolóxicos na velez. Prevención abordaxe da ideación suicida.

17.- Vínculos afectivos e sexualidade nas persoas maiores. Violencia de xénero en persoas maiores.

18.- Protección das persoas maiores. Neglixencia, abuso e maltrato na velez.

19.- Actuación ante distintos tipos de maltrato ás persoas maiores Factores e situacións de risco. Indicadores de maltrato. Sospeita e detección de maltrato.

20.- O edadismo e outras formas de maltrato na velez.

21.- Recursos psicosociais, estrés e saúde. O estrés e as súas consecuencias nas persoas maiores. Estratexias de afrontamento e mecanismos explicativos.

22.- Obxectivos terapéuticos nos centros de atención a persoas maiores.

23.- A avaliación psicolóxica. Aspectos teóricos e prácticos. A análise funcional do comportamento. Os métodos de avaliación psicolóxica.

24.- Criterios diagnósticos sindrómicos de demencia. Diagnósticos diferenciais e desenvolvemento clínico.

25.- Diagnóstico e avaliación dos aspectos emocionais nas persoas maiores.

26.- Diagnóstico e avaliación dos aspectos condutuais nas persoas maiores.

27.- Diagnóstico e avaliación das capacidades cognitivas e funcionais nas persoas maiores.

28.- Deseño e implantación de programas psicoeducativos de prevención e promoción da saúde no eido dos centros de atención a persoas maiores.

29.- A intervención psicolóxica en situacións de crise. Factores desencadeantes. Prevención, modelos e técnicas de afrontamento

30.- Intervención psicolóxica baseada nas fortalezas da persoa maior, fronte ás debilidades.

31.- Técnicas psicolóxicas para afrontar e manexar os sentimentos.

32.- Programas de psicoestimulación cognitiva individual e grupal.

33.- Psicoloxía de grupos no traballo: axuda mutua e atención centrada na persoa. Psicoloxía de grupos na comunidade: o apoio social na intervención social e comunitaria.

34.- O papel das familias nos centros de atención a maiores dentro do modelo de atención centrada na persoa. Intervención psicolóxica coa familia para a aceptación e afrontamento da enfermidade.

O presente documento estará
exposto no Taboeiro de
Anuncios desta Deputación
desde o día 01-07-2024
ata a día 12-07-2024
O XEFE DA UNIDADE
PORTERÍA E VIXIANCIA

P.O.
(W)

35.- Deseño de actividades e posta en marcha de accións de formación e información ás familias usuarias e de formación continua ás persoas que integran os equipos de traballo do centro de persoas maiores.

36.- Dó e final da vida. Aspectos éticos, legais e apoio emocional no final da vida.

Lugo, 24 de xuño de 2024.- O secretario xeral, José Antonio Mourelle Cillero.

R.1931

O presente documento estará
exposto no Taboeiro de
Anuncios desta Deputación
desde o día 01-07-2024
ata a día 12-07-2024
O XEFE DA UNIDADE
PORTERÍA E VIXIANCIA

P.O.
